



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*ZAPISNIK
O RADU 22. SJEDNICE
GRADSKOG VIJEĆA GRADA SARAJEVA
ODRŽANE 28.12.2022. GODINE*

Sarajevo, decembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



**ZAPISNIK O RADU 22. SJEDNICE
GRADSKOG VIJEĆA GRADA SARAJEVA
ODRŽANE 28.12.2022. GODINE**

Broj: 01-GV-02-2020/22

Datum: 28.12.2022. godine

Sjednica je počela sa radom u 10,00 sati.

Sjednicom je predsjedavao **Jasmin Ademović, predsjedavajući Gradskog vijeća.**

Prisutni su bili sljedeći gradski vijećnici:

1. Alem Logo
2. Almedin Miladin
3. Biljana Lazarević
4. Danijela Šahat
5. Jasmin Ademović
6. Samir Bejić
7. Toni Vukadin
8. Adi Škaljić
9. Alen Girt
10. Mirela Džehverović
11. Ratko Orozović
12. Alma Čengić
13. Lajla Čosović
14. Srđan Simonović
15. Vedad Deljković
16. Dragan Stevanović
17. Elvedin Korora
18. Muamer Mekić
19. Bajro Biber
20. Robert Pleše
21. Seid Škaljić
22. Željko Majstorović
23. Vedran Dodik
24. Drago Jurić
25. Enisa Spahić
26. Jasmin Skorupan
27. Srđan Srdić

Odsutna: Amra Zulfikarpašić (najavljen izostanak)

Pored gradskih vijećnika, sjednici su prisustvovali:

1. Benjamina Karić, gradonačelnica Grada Sarajeva
2. Haris Bašić, zamjenik gradonačelnice Grada Sarajeva
3. Mila Eminović, sekretar Gradskog vijeća
4. Mirjana Đanović Stanić, rukovodilac Stručne službe za poslove Gradskog vijeća
5. Aida Bajramović, rukovodilac Stručne službe za poslove kabineta i poslove Gradske uprave
6. Senada Kočan, pomoćnica Gradonačelnice za opću upravu i zajedničke poslove
7. Elvir Hadžiahmetović, pomoćnik Gradonačelnice za lokalno poslovanje
8. Merima Arifhodžić, pomoćnica Gradonačelnice za urbano planiranje, investicije, stambene i

komunalne poslove

9. Admir Jusufbegović, pravobranilac Grada Sarajeva
10. Avdija Hasanović, direktor Javnog preduzeća „Olimpijski bazen Otoka“ d.o.o. Sarajevo
11. Dženana Dramalija, predsjedavajuća Etičkog vijeća Gradskog vijeća Grada Sarajeva
12. Zinaida Čengiđ, šef Odjeljenja za međunarodnu saradnju u Stručnoj službi za protokolarne poslove, odnose s javnošću i međunarodnu saradnju

Sjednici su prisustvovali članovi Komisije za Statut i akte koji nisu gradski vijećnici (prema evidenciji u Stručnoj službi za poslove Gradskog vijeća Grada Sarajeva).

Predsjedavajući Gradskog vijeća Jasmin Ademović je pozdravio prisutne, te najavio utvrđivanje prisustva, odnosno najave odsustva po pozivu za sjednicu.

Sekretar Gradskog vijeća Mila Eminović je informisala Gradsko vijeće da su se pozivu odazvala 22 gradska vijećnika, da je izostanak, blagovremeno, najavila gradska vijećnica Amra Zulfikarpašić, a kašnjenje gradska vijećnica Danijela Šahat.

Predsjedavajući Gradskog vijeća Jasmin Ademović je konstatovao da sjednici prisustvuje 22 gradska vijećnika, da Gradsko vijeće ima kvorum za punovažan rad i odlučivanje, te je otvorio 22. sjednicu Gradskog vijeća Grada Sarajeva.

Usljedilo je intoniranje himne Bosne i Hercegovine.

Predsjedavajući Gradskog vijeća Jasmin Ademović je informisao Gradsko vijeće da je dana 22.12.2022. godine, na protokol Gradskog vijeća Grada Sarajeva, zaprimljena pravosnažna Odluka o prestanku mandata gradskoj vijećnici Marijeli Hašimbegović i dodjeli mandata sljedećem kvalificiranom kandidatu Robertu Pleše, a koju je Centralna izborna komisija Bosne i Hercegovine donijela na svojoj 86. sjednici održanoj dana 23.11.2022. godine sa ovjerom pravosnažnosti dana 05.12.2022. godine.

Podsjetio je gradske vijećnike da je Mandatno-imunitetska komisija, na sjednici održanoj dana 26.12.2022. godine, uputila Gradskom vijeću Grada Sarajeva obavijest i informaciju o Odluci Centralne izborne komisije Bosne i Hercegovine, a koje su dostupne u formi informativnog materijala.

Usljedilo je polaganje svečane zakletve novog gradskog vijećnika Roberta Pleše.

Predsjedavajući Gradskog vijeća Jasmin Ademović je konstatovao da je Robert Pleše preuzeo dužnost i stekao prava i obaveze gradskog vijećnika u Gradskom vijeću Grada Sarajeva.

Predsjedavajući Gradskog vijeća Jasmin Ademović je konstatovao da su radu sjednice pristupili **gradski vijećnik Srđan Srdić i gradski vijećnik Almedin Miladin.**

Predsjedavajući Gradskog vijeća Jasmin Ademović je informisao Gradsko vijeće da je dana 28.12.2022. godine, na protokol Gradskog vijeća Grada Sarajeva, zaprimljena i pravosnažna Odluka o prestanku mandata gradskom vijećniku Nihadu Uku i dodjeli mandata sljedećem kvalificiranom kandidatu Alenu Girtu, a koju je Centralna izborna komisija Bosne i Hercegovine

donijela na svojoj 86. sjednici održanoj dana 23.11.2022. godine sa ovjerom pravosnažnosti dana 22.12.2022. godine.

Podsjetio je gradske vijećnike da je Mandatno-imunitetska komisija, na sjednici održanoj dana 28.12.2022. godine, uputila Gradskom vijeću Grada Sarajeva obavijest i informaciju o Odluci Centralne izborne komisije Bosne i Hercegovine, a koje su dostupne u formi informativnog materijala.

Usljedilo je polaganje svečane zakletve novog gradskog vijećnika Alena Girta.

Predsjedavajući Gradskog vijeća Jasmin Ademović je konstatovao da je Alen Girt preuzeo dužnost i stekao prava i obaveze gradskog vijećnika u Gradskom vijeću Grada Sarajeva.

Predsjedavajući Gradskog vijeća Jasmin Ademović je otvorio raspravu o Zapisniku o radu 21. sjednice Gradskog vijeća Grada Sarajeva održane dana 30.11.2022. godine.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 19 glasova „za“, bez glasova „protiv“ i dva „suzdržana“ glasa prisutnih gradskih vijećnika (pet gradskih vijećnika se nije izjasnilo), **usvojilo je Zapisnik o radu 21. sjednice Gradskog vijeća Grada Sarajeva održane dana 30.11.2022. godine.**

Predsjedavajući Gradskog vijeća Jasmin Ademović je podsjetio gradske vijećnike da su, uz predloženi dnevni red sjednice, dostavljeni materijali sa izvještajima radnih tijela koja su održana u pripremi 22. sjednice Gradskog vijeća Grada Sarajeva, kao i saglasnosti zamjenika Gradonačelnice.

Predsjedavajući Gradskog vijeća Jasmin Ademović je najavio određivanje o aktima koji su dostavljeni na razmatranje od strane Gradonačelnice i Komisije za izbor i imenovanja, kao ovlaštenih predlagača, u formi prijedloga po skraćenom postupku, po proceduri koja zahtjeva izjašnjavanje Gradskog vijeća o prethodnom pitanju, i to:

1. Prijedlog Odluke o razrješenju člana radnog tijela Gradskog vijeća Grada Sarajeva (*Armina Muharemović*)
2. Prijedlog Odluke o izboru člana radnog tijela Gradskog vijeća Grada Sarajeva (*Reuf Hafizović*)
3. Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2023. godini
4. Prijedlog Odluke o izmjenama Odluke o stipendiranju učenika srednjih škola iz Budžeta Grada Sarajeva
5. Prijedlog Odluke o stavljanju van snage Odluke o poklonu i davanju saglasnosti na Ugovor o poklonu putničkog kombi vozila
6. Prijedlog Odluke o davanju saglasnosti gradonačelnici Grada Sarajeva za potpisivanje „Memoranduma o razumijevanju između Grada Kajra, Arapska Republika Egipat, i Grada Sarajeva, Bosna i Hercegovina“
7. Prijedlog Odluke o platama i naknadama u organima Grada Sarajeva

Predsjedavajući Gradskog vijeća Jasmin Ademović je pozvao gradske vijećnike da se izjasne o proceduralnom pitanju da se o navedenim aktima koji su predloženi za razmatranje u formi prijedloga po skraćenom postupku, vodi jedinstvena rasprava, a odlučuje odvojeno.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (tri gradska vijećnika se nisu izjasnili), **usvojilo je proceduralni prijedlog** da se o aktima koji su predloženi za razmatranje u formi prijedloga po skraćenom postupku **vodi jedinstvena rasprava, a odlučuje odvojeno.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnili), **usvojilo je proceduralni prijedlog** da se Odluka o razrješenju člana radnog tijela Gradskog vijeća Grada Sarajeva (*Armina Muharemović*) **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnili), **usvojilo je proceduralni prijedlog** da se Odluka o izboru člana radnog tijela Gradskog vijeća Grada Sarajeva (*Reuf Hafizović*) **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnili), **usvojilo je proceduralni prijedlog** da se Odluka o davanju saglasnosti na Program obilježavanja 6. aprila - Dana Grada Sarajeva u 2023. godini **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je proceduralni prijedlog** da se Odluka o izmjenama Odluke o stipendiranju učenika srednjih škola iz Budžeta Grada Sarajeva **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je proceduralni prijedlog** da se Odluka o stavljanju van snage Odluke o poklonu i davanju saglasnosti na Ugovor o poklonu putničkog kombi vozila **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je proceduralni prijedlog** da se Odluka o davanju saglasnosti gradonačelnici Grada Sarajeva za potpisivanje „Memoranduma o razumijevanju između Grada Kajra, Arapska Republika Egipat, i Grada Sarajeva, Bosna i Hercegovina“ **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa „za“, bez glasova „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnili), **usvojilo je proceduralni prijedlog** da se Odluka o platama i naknadama u organima

Grada Sarajeva **razmatra u formi prijedloga po skraćenom postupku.**

Predsjedavajući Gradskog vijeća Jasmina Ademovića je podsjetio gradske vijećnike da je na prijedlog Komisije za Statut i akte, kao ovlaštenog predlagača Statuta Grada Sarajeva, na 21. sjednici Gradskog vijeća odloženo razmatranje Prijedloga Statuta Grada Sarajeva za 22. sjednicu Gradskog vijeća.

Informisao je gradske vijećnike da je Komisija za Statut i akte, na sjednici održanoj 21.12.2022. godine, zatražila odlaganje razmatranja Prijedloga Statuta Grada Sarajeva i sa 22. sjednice Gradskog vijeća Grada Sarajeva, s obzirom na kompleksnost amandmanskih intervencija koje su dostavljene u pogledu Prijedloga Statuta Grada Sarajeva.

Predsjedavajući Gradskog vijeća Jasmin Ademović je, u skladu sa članom 123. stav 3. Poslovnika Gradskog vijeća Grada Sarajeva, pozvao Gradsko vijeće da se izjasni o prijedlogu Komisije za Statut i akte.

Na poziv **predsjedavajućeg Gradskog vijeća Jasmina Ademovića**, Gradsko vijeće Grada Sarajeva, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je** prijedlog da se rasprava o Prijedlogu Statuta Grada Sarajeva **odloži** za narednu sjednicu Gradskog vijeća.

Na poziv **predsjedavajućeg Gradskog vijeća Jasmina Ademovića**, **Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je dnevni red 22. sjednice Gradskog vijeća Grada Sarajeva:**

1. Prijedlog Etičkog kodeksa izabраниh i imenovanih funkcionera Grada Sarajeva
2. Prijedlog Odluke o razrješenju člana radnog tijela Gradskog vijeća Grada Sarajeva (*Armina Muharemović*)
3. Prijedlog Odluke o izboru člana radnog tijela Gradskog vijeća Grada Sarajeva (*Reuf Hafizović*)
4. Prijedlog Programa rada Gradskog vijeća Grada Sarajeva za 2023. godinu
5. Prijedlog Budžeta Grada Sarajeva za 2023. godinu
6. Prijedlog Odluke o izvršavanju Budžeta Grada Sarajeva za 2023. godinu
7. Prijedlog Programa međunarodne saradnje Grada Sarajeva za 2023. godinu
8. Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu
9. Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2023. godini
10. Prijedlog Odluke o izmjenama Odluke o stipendiranju učenika srednjih škola iz Budžeta Grada Sarajeva
11. Prijedlog Odluke o stavljanju van snage Odluke o poklonu i davanju saglasnosti na Ugovor o poklonu putničkog kombi vozila
12. Prijedlog Odluke o davanju saglasnosti gradonačelnici Grada Sarajeva za potpisivanje „Memoranduma o razumijevanju između Grada Kaira, Arapska Republika Egipat, i Grada Sarajeva, Bosna i Hercegovina“
13. Prijedlog Odluke o platama i naknadama u organima Grada Sarajeva
14. Izvještaj o primjeni Odluke o upotrebi grba, imena i isticanju zastave Grada Sarajeva
15. Izvještaj o stanju u državnoj službi u Gradu Sarajevu
16. Nacrt Odluke o podizanju Spomen-ploče Ivici Osimu

17. Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću
18. Informacija o privrednoj saradnji Grada Sarajeva sa pobratimskim i partnerskim gradovima
19. Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo
20. Informacija o implementiranim projektima finansiranim iz međunarodnih i lokalnih fondova u 2022. godini
21. Informacija o implementaciji Plana djelovanja za mlade
22. Informacija o rezultatima ostvarenim u tekućoj turističkoj sezoni do kraja 8. mjeseca 2022. godine
23. Informacija o potpisivanju Sporazuma o uspostavljanju prijateljskih odnosa između gradova – Kijev, Ukrajina, i Sarajevo, Bosna i Hercegovina
24. Informacija o prazničnom ukrašavanju u organizaciji Grada Sarajeva
25. Vijećnička pitanja i inicijative

Ad 1)

Prijedlog Etičkog kodeksa izabranih i imenovanih funkcionera Grada Sarajeva

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Predlagač Etičkog kodeksa je Etičko vijeće Gradskog vijeća čija predsjedavajuća Dženana Dramalija prisustvuje današnjoj sjednici.

Prijedlog Etičkog kodeksa je razmatrala Komisija za Statut i akte. Mišljenje radnog tijela je dostupno gradskim vijećnicima.

U raspravi koja je uslijedila učestvovala je **gradska vijećnica Biljana Lazarević**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 26 glasova „za“, bez glasova „protiv“ i bez „suzdržanih“ glasova prisutnih gradskih vijećnika, **usvojilo je Etički kodeks izabranih i imenovanih funkcionera Grada Sarajeva, kako je predložen.**

Ad 2)

Prijedlog Odluke o razrješenju člana radnog tijela Gradskog vijeća Grada Sarajeva (Armina Muharemović)

Ad 3)

Prijedlog Odluke o izboru člana radnog tijela Gradskog vijeća Grada Sarajeva (Reuf Hafizović)

Predsjedavajući Gradskog vijeća Jasmin Ademović je predložio da se o tačkama 2. i 3. dnevnog reda vodi jedinstvena rasprava, a odlučuje odvojeno.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 25 glasova „za“, jednim glasom „protiv“ i bez „suzdržanih“ glasova prisutnih gradskih vijećnika **usvojilo je prijedlog da se o tačkama 2. i 3. dnevnog reda vodi jedinstvena rasprava, a odlučuje odvojeno.**

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Predlagač odluka je Komisija za izbor i imenovanja.

Prijedloge odluka je razmatrala Komisija za Statut i akte. Mišljenje radnog tijela je dostupno gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je Odluku o razrješenju člana radnog tijela Gradskog vijeća Grada Sarajeva (Armina Muharemović), kako je predložena.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 26 glasova „za“, bez glasova „protiv“ i bez „suzdržanih“ glasova prisutnih gradskih vijećnika, **usvojilo je Odluku o izboru člana radnog tijela Gradskog vijeća Grada Sarajeva (Reuf Hafizović), kako je predložena.**

Ad 4)

Prijedlog Programa rada Gradskog vijeća Grada Sarajeva za 2023. godinu

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Predlagač Programa je Kolegij Gradskog vijeća.

Prijedlog Programa su razmatrala sva radna tijela. Mišljenja radnih tijela su dostupna gradskim vijećnicima.

Predsjedavajući Gradskog vijeća Jasmin Ademović je podsjetio gradske vijećnike da je Prijedlog Programa rada Gradskog vijeća Grada Sarajeva za 2023. godinu razmatran u javnoj raspravi te je Kolegij Gradskog vijeća, kao ovlaštenu predlagač, utvrdio i Izvještaj o provedenoj javnoj raspravi.

Također je podsjetio da je Komisija za pitanja mladih podnijela amandman na Prijedlog Programa rada Gradskog vijeća Grada Sarajeva za 2023. godinu, a koji je dostupan u materijalu. Podneseni amandman je razmatran na sjednici Komisije za Statut i akte, kao i na sjednici Kolegija Gradskog vijeća, kao ovlaštenog predlagača.

Amandman je, u skladu sa članom 126. stav 2. Poslovnika Gradskog vijeća, upućen je i Gradonačelnici na izjašnjenje.

Komisija za Statut i akte je konstatovala da je amandman Komisije za pitanja mladih na Prijedlog Programa rada Gradskog vijeća Grada Sarajeva za 2023. godinu blagovremen, podnesen od strane ovlaštenog predlagača i u propisanoj proceduri.

Kolegij Gradskog vijeća je prihvatio amandman u kojem su predloženi novi rokovi za razmatranje Informacije o implementaciji Plana djelovanja za mlade te je amandman, u skladu sa članom 126. stav 3. Poslovnika Gradskog vijeća Grada Sarajeva, postao sastavni dio Prijedloga Programa rada Gradskog vijeća Grada Sarajeva za 2023. godinu.

Mišljenje Kolegija Gradskog vijeća, kao ovlaštenog predlagača, je dostupno u materijalu.

U svom mišljenju Gradonačelnica se saglasila sa podnesenim amandmanom.

Predsjedavajući Gradskog vijeća Jasmin Ademović je konstatovala da je amandman Komisije za pitanja mladih postao sastavni dio prijedloga akta obzirom da gradski vijećnici nisu zatražili da se Gradsko vijeće posebno izjasni o amandmanu.

Uvodno izlaganje podnio je **predsjedavajući Gradskog vijeća Jasmin Ademović**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Program rada Gradskog vijeća Grada Sarajeva za 2023. godinu kako je predložen i izmijenjen u skladu sa prihvaćenim amandmanom.**

Ad 5)

Prijedlog Budžeta Grada Sarajeva za 2023. godinu

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Predlagač Budžeta je Gradonačelnica.

Prijedlog Budžeta su razmatrali Administrativna komisija, Odbor za budžet i finansije i Komisija za Statut i akte. Mišljenja radnih tijela su dostupna gradskim vijećnicima.

Predsjedavajući Gradskog vijeća Jasmin Ademović je podsjetio gradske vijećnike da je Prijedlog Budžeta Grada Sarajeva za 2023. godinu razmatran u javnoj raspravi te je Gradonačelnica, kao ovlaštenu predlagač, utvrdila i Izvještaj o provedenoj javnoj raspravi.

Predsjedavajući Gradskog vijeća Jasmin Ademović je podsjetio gradske vijećnike da su amandmani na Prijedlog Budžeta Grada Sarajeva za 2023. godinu podnijeli Odbor za budžet i finansije, Komisija za odnose sa vjerskim zajednicama i crkvama te gradski vijećnik Srđan Simonović, a koji su dostupni u materijalu.

Podneseni amandmani su razmatrani na sjednici Komisije za Statut i akte koja je konstatovala da je amandman Odbora za budžet i finansije i amandman Komisije za odnose sa vjerskim zajednicama i crkvama na Prijedlog Budžeta Grada Sarajeva za 2023. godinu blagovremen, podnesen od strane ovlaštenog predlagača i u propisanoj proceduri, dok amandman gradskog vijećnika Srđana Simonovića nije podnesen u propisanom roku.

Komisija za Statut i akte je sugerisala Gradonačelnici da razmotri mogućnost da amandman gradskog vijećnika Srđana Simonovića podnese kao vlastiti.

Predsjedavajući Gradskog vijeća Jasmin Ademović je informisao gradske vijećnike da su, do održavanja sjednice Gradskog vijeća, dostavljena dva mišljenja Gradonačelnice o podnesenim amandmanima. U jednom mišljenju Gradonačelnica je prihvatila amandman Odbor za budžet i finansije, dok u drugom nije prihvatila amandman Komisije za odnose sa vjerskim zajednicama i crkvama.

Predsjedavajući Gradskog vijeća Jasmin Ademovića pozvao **gradonačelnicu Grada Sarajeva Benjaminu Karić** da podnese svoje amandmane na Prijedlog Budžeta Grada Sarajeva za 2023. godinu, a zatim i da uvodno izlaganje.

Gradonačelnica Grada Sarajeva Benjamin Karić je podnijela i obrazložila amandmane na prijedlog Budžeta Grada Sarajeva.

AMANDMAN I

Planirana sredstva u iznosu od 1.600.000,00 KM, na kodu 614400 - Sufinansiranje funkcionisanja i planiranih aktivnosti JP "Olimpijski bazen Otoka", uvećavaju se za 150.000,00 KM.

Sredstva će se obezbjediti sa sljedećih stavki:

613 900 - Turistička signalizacija i mapiranje turističkih atrakcija u iznosu od 40.000,00 KM;

614 300 - Dani grada Sarajeva u iznosu od 30.000,00 KM;

614 100 - Pomoć drugim JLS u BiH u iznosu od 20.000,00 KM;

614 300 - Sarajevo Holiday Market u iznosu od 10.000,00 KM;

614 800 - Drugi tekući rashodi u iznosu od 50.000,00 KM.

Obrazloženje:

Komisija za Statut i akte na svojoj 51. sjednici održanoj 27.12.2022. godine, u okviru razmatranja tačke dnevnog reda - Mišljenje o Amandmanu gradskog vijećnika Srđana Simonovića na Prijedlog Budžeta Grada Sarajeva za 2023. godinu, jednoglasno je usvojila zaključak:

"Amandman gradskog vijećnika Srđana Simonovića na Prijedlog Budžeta Grada Sarajeva za 2023. godinu je podnesen od ovlaštenog predlagača, ali nije podnesen u propisanom roku, međutim Komisija za Statut i akte sugerira Gradonačelnici da razmotri predloženi Amandman, te da u slučaju prihvatljivosti isti podnese kao vlastiti".

Uvažavajući razloge, odnosno obrazloženje koje je gradski vijećnik Srđan Simonović naveo u podnesenom amandmanu, a naročito činjenicu da će se na ovaj način omogućiti realizacija redovnih aktivnosti JP „Olimpijski bazen Otoka", podneseni amandman se smatra prihvatljivim, te se podnosi ovaj prijedlog za izmjenu i dopunu Prijedloga Budžeta Grada Sarajeva za 2023. godinu u obliku amandmana na način kako je u istom navedeno.

AMANDMAN II

U Prijedlogu Budžeta Grada Sarajeva pod ekonomskim kodom 600 000 - Tekuća rezerva umanjit će se sredstva u iznosu od 10.000,00 KM i ista će se planirati na ekonomskom kodu 614 300 - Spomen soba - Zelene beretke.

Obrazloženje:

Spomen soba za koju je predloženo planiranje sredstava u iznosu od 10.000,00 KM ima veliki značaj za očuvanje sjećanja na odbrambeno-oslobodilački rat 1992.-1996., te je opravdano da Grad Sarajevo da svoj doprinos ovom značajnom projektu, a planirana sredstva bi se koristila isključivo za održavanje Spomen sobe.

Cijeneći opravdanost ovakvog vida podrške, to se podnosi ovaj prijedlog za izmjenu i dopunu Prijedloga Budžeta Grada Sarajeva za 2023. godinu u obliku amandmana na način kako je u istom navedeno.

Zatim je **gradonačelnica Grada Sarajeva Benjamina Karić podnijela uvodno izlaganje.**

U raspravi koja je uslijedila učestovali su **gradski vijećnik Toni Vukadin, gradska vijećnica Alma Čengiđ, zamjenik predsjedavajućeg Gradskog vijeća Dragan Stevanović i zamjenica predsjedavajućeg Gradskog vijeća Mirela Džehverović**, a dodatna pojašnjenja i odgovore na pitanja dala je **gradonačelnica Grada Sarajeva Benjamina Karić.**

Predsjedavajući Gradskog vijeća Jasmin Ademović je konstatovao da su amandman Odbora za budžet i finansije sa kojim se Gradonačelnica saglasila, kao i amandmani koje je podnijela Gradonačelnica postali sastavni dio prijedloga akta, obzirom da gradski vijećnici nisu zatražili da se Gradsko vijeće posebno izjasni o amandmanima.

Predsjedavajući Gradskog vijeća Jasmin Ademović je konstatovao da je radu sjednice pristupila **gradska vijećnica Danijela Šahat.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 27 glasova „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je Budžet Grada Sarajeva za 2023. godinu, kako je predložen i izmijenjen u skladu sa podnesenim i prihvaćenim amandmanima.**

Ad 6)

Prijedlog Odluke o izvršavanju Budžeta Grada Sarajeva za 2023. godinu

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagач Odluke je Gradonačelnica.

Prijedlog Odluke su razmatrali Administrativna komisija, Odbor za budžet i finansije i Komisija za Statut i akte. Mišljenja radnih tijela su dostupna gradskim vijećnicima.

Predsjedavajući Gradskog vijeća Jasmina Ademovića je pozvao **gradonačelnicu Grada Sarajeva Benjaminu Karić** da podnese uvodno izlaganje.

Gradonačelnica Grada Sarajeva Benjamina Karić je, prije uvodnog izlaganja, podnijela i obrazložila amandmane na Prijedlog Odluke o izvršavanju Budžeta Grada Sarajeva za 2023. godinu.

AMANDMAN I

U članu 15. Prijedloga Odluke dodaje se novi stav (4) koji glasi:

”(4) Osnovica i bod iz stava (3) ovog člana Odluke za 2023. godinu utvrđeni su Sporazumom o osnovici i bodu za obračun plata u organima Grada Sarajeva za 2023. godinu, broj: 01/04-04-7692/22 od 12.12.2022. godine, zaključenim između gradonačelnice Grada Sarajeva i Sindikalne organizacije organa Grada Sarajeva.

Obrazloženje:

Komisija za Statut i akte na svojoj 51. sjednici održanoj 27.12.2022. godine, u okviru razmatranja tačke dnevnog reda - Mišljenje o Prijedlogu Odluke o izvršavanju Budžeta Grada Sarajeva za 2023. godinu, jednoglasno je usvojila zaključak kojim je sugerirano da Predlagач provjeri da li u Odluci treba da bude reguliran način utvrđivanja osnovice za obračun plata i naknada.

Cijenivši navedenu sugestiju opravdanom i na zakonu zasnovanoj, podnosi se ovaj prijedlog za dopunu člana 15. Prijedloga Odluke u obliku amandmana na način kako je u istom navedeno.

AMANDMAN II

Član 34. Prijedloga Odluke, mijenja se i glasi:

”član 34.

Ova odluka stupna na snagu narednog dana od dana objavljivanja u „Službenim novinama Kantona Sarajevo”, a primjenjivat će se od 01. januara 2023. godine.”

Obrazloženje:

Komisija za Statut i akte na svojoj 51. sjednici održanoj 27.12.2022. godine, u okviru razmatranja tačke dnevnog reda - Mišljenje o Prijedlogu Odluke o izvršavanju Budžeta Grada Sarajeva za 2023. godinu, jednoglasno je usvojila zaključak kojim je sugerirano da Predlagач akta djeluje amandmanski u dijelu stupanja na snagu i to tako da stupanje na snagu uskladi sa rokom stupanja na snagu Budžeta Grada Sarajeva za 2023. godinu.

Cijenivši ovu sugestiju opravdanom, podnosi se ovaj prijedlog za izmjenu člana 34. Prijedloga Odluke u obliku amandmana na način kako je u istom navedeno.

Zatim je **gradonačelnica Grada Sarajeva Benjamina Karić** podnijela uvodno izlaganje.

U raspravi koja je uslijedila učestvovala je **gradska vijećnica Biljana Lazarević**, a dodatna pojašnjenja dala je **gradonačelnica Grada Sarajeva Benjamina Karić**.

Predsjedavajući Gradskog vijeća Jasmin Ademović je konstatovao da su amandmani Gradonačelnice, kao podnosioca prijedloga akta, postali sastavni dio prijedloga akta, obzirom da gradski vijećnici nisu zatražili da se Gradsko vijeće posebno izjasni o amandmanima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je Odluku o izvršavanju Budžeta Grada Sarajeva za 2023. godinu, kako je predložena i izmijenjena u skladu sa podnesenim amandmanima.**

Ad 7)

Prijedlog Programa međunarodne saradnje Grada Sarajeva za 2023. godinu

Predlagač Programa je Komisija za međunarodnu saradnju.

Prijedlog je razmatrala Komisija za Statut i akte. Mišljenje radnog tijela je dostupno gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **usvojilo je Program međunarodne saradnje Grada Sarajeva za 2023. godinu, kako je predložen.**

Ad 8)

Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Programa je Gradonačelnica.

Prijedlog Programa su razmatrale Komisija za spomenike i Komisija za Statut i akte.

Mišljenja radnih tijela su dostupna gradskim vijećnicima.

Predsjedavajući Gradskog vijeća Jasmin Ademović je podsjetio gradske vijećnike da je, do održavanja sjednice, Klub gradskih vijećnika Naše stranke podnio amandman na Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu, a koji je dostupan u materijalu.

Podneseni amandman je razmatran na sjednici Komisije za Statut i akte i Komisije za spomenike. Komisija za Statut i akte je konstatovala da je amandman Kluba gradskih vijećnika Naše stranke na Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu blagovremen, podnesen od strane ovlaštenog predlagača i u propisanoj proceduri. Amandan je razmatrala i Komisija za spomenike kao nadležno radno tijelo kao i Gradonačelnica koja je, kao ovlašteni predlagač, u dostavljenom mišljenju prihvatila podneseni amandman Kluba gradskih vijećnika Naše stranke.

Predsjedavajući Gradskog vijeća Jasmin Ademović je konstatovao da je podneseni amandman Kluba gradskih vijećnika Naše stranke sa kojim se Gradonačelnica u svom mišljenju saglasila postao sastavni dio prijedloga akta, obzirom da gradski vijećnici nisu zatražili da se Gradsko vijeće posebno izjasni o amandmanu.

Uvodno izlaganje podnijela je **gradonačelnica Grada Sarajeva Benjamina Karić**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **usvojilo je Program podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2023. godinu, kako je predložen i izmijenjen u skladu sa prihvaćenim amandmanom.**

Ad 9)

Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2023. godini

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Odluke je Gradonačelnica.

Prijedlog Odluke su razmatrali Odbor za društvene djelatnosti i Komisija za Statut i akte.

Mišljenja radnih tijela su dostupna gradskim vijećnicima.

Predsjedavajući Gradskog vijeća Jasmin Ademović je konstatovao da je **zamjenik predsjedavajućeg Gradskog vijeća Dragan Stevanović** napustio sjednicu iz zdravstvenih razloga.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo), **usvojilo je Odluku o davanju saglasnosti na Program obilježavanja 6. aprila – Dana Grada Sarajeva u 2023. godini, kako je predložena.**

Ad 10)

Prijedlog Odluke o izmjenama Odluke o stipendiranju učenika srednjih škola iz Budžeta Grada Sarajeva

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Odluke je Gradonačelnica.

Prijedlog Odluke su razmatrali Odbor za društvene djelatnosti i Komisija za Statut i akte.

Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo), **usvojilo je Odluku o izmjenama Odluke o stipendiranju učenika srednjih škola iz Budžeta Grada Sarajeva, kako je predložena.**

Ad 11)

Prijedlog Odluke o stavljanju van snage Odluke o poklonu i davanju saglasnosti na Ugovor o poklonu putničkog kombi vozila

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Odluke je Gradonačelnica.

Prijedlog Odluke su razmatrale Administrativna komisija i Komisija za Statut i akte.

Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 17 glasova „za“, bez glasova „protiv“ i bez „suzdržanih“ glasova prisutnih gradskih vijećnika (pet gradski vijećnika se nije izjasnio),

usvojilo je Odluku o stavljanju van snage Odluke o poklonu i davanju saglasnosti na Ugovor o poklonu putničkog kombi vozila, kako je predložena.

Ad 12)

Prijedlog Odluke o davanju saglasnosti gradonačelnici Grada Sarajeva za potpisivanje „Memoranduma o razumijevanju između Grada Kaira, Arapska Republika Egipat, i Grada Sarajeva, Bosna i Hercegovina“

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Odluke je Gradonačelnica.

Prijedlog Odluke su razmatrale Komisija za međunarodnu saradnju i Komisija za Statut i akte. Mišljenja radnih tijela su dostupna gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila), **usvojilo je Odluku o davanju saglasnosti gradonačelnici Grada Sarajeva za potpisivanje „Memoranduma o razumijevanju između Grada Kaira, Arapska Republika Egipat, i Grada Sarajeva, Bosna i Hercegovina“, kako je predložena.**

Ad 13)

Prijedlog Odluke o platama i naknadama u organima Grada Sarajeva

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Odluke je Gradonačelnica.

Prijedlog Odluke su razmatrale Administrativna komisija i Komisija za Statut i akte.

Mišljenja radnih tijela su dostupna gradskim vijećnicima kao i Mišljenje Ministarstva pravde i uprave Kantona Sarajevo i Mišljenje Sindikalne organizacije Grada Sarajeva.

Predsjedavajući Gradskog vijeća Jasmin Ademović je informisao gradske vijećnike da je Administrativna komisija podnijela amandmane na Prijedlog Odluke o platama i naknadama u organima Grada Sarajeva, a koji su dostupni u materijalu.

Podneseni amandmani su razmatrani na sjednici Komisije za Statut i akte koja je konstatovala da su amandmani Administrativne komisije na Prijedlog Odluke o platama i naknadama u organima Grada Sarajeva blagovremeni, podneseni od strane ovlaštenog predlagača i u propisanoj proceduri.

Zatim je **predsjedavajući Gradskog vijeća Jasmin Ademović** pozvao **gradonačelnicu Grada Sarajeva Benjaminu Karić** da se i usmeno izjasni o podnesenim amandmanima Administrativne komisije, iako je, do održavanja sjednice Gradskog vijeća, dostavljeno pismeno mišljenje Gradonačelnice na podnesene amandmane.

Predsjedavajući Gradskog vijeća Jasmin Ademović je konstatovao da je Administrativna komisija, na sjednici održanoj pred početak današnje sjednice Gradskog vijeća, **povukla amandman VI.**

Prije izjašnjenja o amandmanima Administrativne komisije, **gradonačelnica Grada Sarajeva Benjamina Karić** je podnijela i obrazložila svoj amandman na Prijedlog Odluke o platama i naknadama u organima Grada Sarajeva.

AMANDMAN

U članu 13. stav (2) Prijedloga Odluke o platama i naknadama u organima Grada Sarajeva riječi „u visini od 70%” zamjenjuju se riječima „u visini od 80%”.

Obrazloženje:

Komisija za Statut i akte na svojoj 51. sjednici održanoj 27.12.2022. godine, u okviru razmatranja tačke dnevnog reda - Mišljenje o Prijedlogu Odluke o platama i naknadama u organima Grada Sarajeva, jednoglasno je usvojila zaključak kojim je sugerirano da Predlagač amandmanski djeluje u članu 13. predmetne Odluke.

Amandmansko djelovanje je predloženo zbog potrebe usklađivanja visine naknadu plate koju imaju nosioci funkcija u slučajevima odsutnosti s posla zbog bolesti i povrede sa odredbama Zakona o zdravstvenom osiguranju Federacije BiH.

Cijenivši navedenu sugestiju opravdanom i na zakonu zasnovanoj, podnosi se ovaj prijedlog za izmjenu člana 13. stav (2) Prijedloga Odluke u obliku amandmana na način kako je u istom navedeno.

Zatim se **gradonačelnica Grada Sarajeva Benjamina Karić** izjasnila o podnesenim amandmanima Administrativne komisije.

AMANDMAN I

U članu 2. predložene Odluke, iza prve alineje, uvrštava se nova alineja „- **članovi radnih tijela Gradskog vijeća**“ - svi izabrani članovi radnih tijela, gradski vijećnici i članovi koji nisu gradski vijećnici;“ te se sve alineje označavaju u skladu s Poslovníkom Gradskog vijeća.

Obrazloženje:

U Poglavlju II – Naknade izabranih funkcionera u prijedlogu Odluke, uređuju se i naknade članovima radnih tijela Gradskog vijeća Grada Sarajeva, kao i isplate tih naknada, a dio članova radnih tijela su izabrani funkcioneri kako je to definisano u prvoj alineji.

Gradonačelnice je **prihvatila** podneseni amandman.

AMANDMAN II

U članu 3. predložene Odluke, stav (2), iza teksta „izabranih funkcionera“, dodaje se tekst „**članova radnih tijela**“.

Obrazloženje:

Potrebno je navesti da se i za naknadu za rad članovima radnih tijela Gradskog vijeća, sredstva planiraju u Budžetu Grada Sarajeva.

Gradonačelnice je **prihvatila** podneseni amandman.

AMANDMAN III

U članu 8. stav (1) prijedloga Odluke tekst „za mjesečno“ mijenja se tekstem „**mjesečno za**”.

U članu 8. stav (3) prijedloga Odluke tekst „neopravdano odsustvovanje sa sjednice Gradskog vijeća“ zamjenjuje se tekstem „nenajavljeno odsustvo do početka sjednice Gradskog vijeća, pismeno, upućeno predsjedavajućem Gradskog vijeća putem elektronske pošte na pisarnicu Gradskog vijeća.“

Obrazloženje:

Da bi se uvrstio termin “neopravdano”, potrebno je definisati u kojim slučajevima je odsustvo sa sjednice neopravdano, a u kojim opravdano. Budući da je gradskim vijećnicima interes da prisustvuju sjednici jer je to mjesto gdje mogu djelovati u skladu s svojim političkim opredjeljenjima, za očekivati je da neće odsustovati sa sjednice Gradskog vijeća ako za to nemaju iznimno važan razlog. Njihova odgovornost prema radu u ovom tijelu se očituje u tome da na vrijeme najave svoje odsustvo sa sjednice.

Gradonačelnice je podneseni amandman **djelimično prihvatila** i to u dijelu da se u članu 8. stav (1) Prijedloga Odluke tekst "za mjesečno" mijenja tekstem "mjesečno za". Što se tiče prijedloga

da se u istom članu Prijedloga Odluke stav (3) tekst „neopravdano odsustvovanje sa sjednice Gradskog vijeća“ zamijeni tekstem „nenajavljeno odsustvo do početka sjednice Gradskog vijeća“, pismeno, upućeno predsjedavajućem Gradskog vijeća putem elektronske pošte na pisarnicu Gradskog vijeća, uz svo razumijevanje obrazloženja naprijed citirane amandmanske intervencije, nije moguće prihvatiti.

Prethodno iz razloga što je članom 8. stav (5) Zakona o platama i naknadama u organima vlasti Federacije Bosne i Hercegovine propisano, između ostalog, da se: „Iznos paušala umanjuje za 10% za **neopravdano odsustvovanje...**“.

U cilju rješavanja dilema iznesenih u obrazloženju ovog prijedloga, **predlaže se mogućnost** da se izvrši dopuna stava (3) člana 8. Prijedloga Odluke na način da se u član 8. iza stava (3) doda stav (4) koji bi glasio: „**Da bi odsustvo sa sjednice Gradskog vijeća bilo opravdano neophodno je da se isto najavi do početka sjednice Gradskog vijeća, pismeno, predsjedavajućim Gradskog vijeća putem elektronske pošte na pisarnicu Gradskog vijeća.**“ Stav (4) postao bi stav (5), a stav (5) postao bi stav (6).

Ukoliko Administrativna komisija Gradskog vijeća bude saglasna sa predloženim, predlagač će takav amandman Komisije prihvatiti.“

AMANDMAN IV

U članu 9. stav (1) Prijedloga Odluke u drugoj alineji briše se tekst „ili se realizuju na osnovu odluke Gradskog vijeća kojom su određeni članovi delegacije“.

U članu 9. dodaje se nova alineja koja glasi:

„Izabrani funkcioneri ostvaruju pravo na naknadu za slučaj smrti, teške bolesti i invalidnosti, na način i pod uslovima utvrđenim za državne službenike i namještenike u organima Grada Sarajeva ako takvo pravo ne ostvaraju kod subjekta gdje ostvaruju prava iz radnog odnosa.“

Obrazloženje:

Članstvo u delegaciji Gradskog vijeća se za gradske vijećnike uređuje odgovarajućim aktom nadležnog radnog tijela Gradskog vijeća, te je ovaj tekst za koji se predlaže brisanje suvišan.

U pogledu dodavanja nove alineje napominje se da je ranijom odlukom ovo pravo gradskim vijećnicima bilo utvrđeno, te da su i u Prijedlogu Budžeta za 2023. godinu planirana sredstva za ovu namjenu.

Gradonačelnice je podneseni amandman **djelimično prihvatila, i to u dijelu da se u članu 9. stav (1) Prijedloga Odluke u drugoj alineji briše tekst „ili se realizuju na osnovu odluke Gradskog vijeća kojom su određeni članovi delegacije“.**

Prijedlog da se u članu 9. Prijedloga Odluke doda nova alineja kojom bi se regulisalo pravo izabranih funkcionera na naknadu za slučaj smrti, teške bolesti i invalidnosti ne može se prihvatiti bez obzira što je ovo pravo propisano važećom Odlukom i što su u Prijedlogu Budžeta za 2023. godinu planirana sredstva za ovu namjenu, a planirana su iz razloga što se Prijedlog ovog akta sačinjava na osnovu važeće Odluke o platama i naknadama.

Naime, u poglavlju II Zakona o platama i naknadama u organima vlasti Federacije Bosne i Hercegovine - PLATE I NAKNADE IZABRANIH DUŽNOSNIKA, NOSIOCA IZVRŠNIH FUNKCIJA I SAVJETNIKA U ORGANIMA ZAKONODAVNE I IZVRŠNE VLASTI FEDERACIJE, propisana su prava naprijed navedenih lica.

Za razliku od državnih službenika i namještenika kojima je ovo pravo utvrđeno shodno odredbama člana 38. i člana 39. citiranog Zakona, ovo pravo nije propisano za izabrane dužnosnike i nosioce izvršnih funkcija, odnosno za izabrane funkcionere kako je u amandmanu navedeno te se uz svo razumijevanje opravdanosti ovakvog prijedloga, naročito ako takvo pravo ne ostvaruju kod subjekta gdje ostvaruju prava iz radnog odnosa, **prijedlog ne može prihvatiti** isključivo iz razloga njegove zakonski neutemeljenosti.

AMANDMAN V

U članu 10. stav (2) Prijedloga Odluke, mijenja se tako da se briše tekst „**predsjedavajućeg Gradskog vijeća i zamjenika predsjedavajućeg Gradskog vijeća**“.

U članu 10. Prijedloga Odluke dodaje se novi stav (3) koji glasi:

„Rješenje o zasnivanju radnog odnosa, predsjedavajućeg Gradskog vijeća i zamjenika predsjedavajućeg Gradskog vijeća donosi Administrativna komisija Gradskog vijeća, na osnovu odluke Gradskog vijeća o njihovom radno-pravnom statusu, koju Gradsko vijeće donosi na prijedlog Administrativne komisije.

U članu 10. stav (3) postaje stav (4).

Obrazloženje:

O radno-pravnom statusu predsjedavajućeg i zamjenika Predsjedavajućeg odlučuje Gradsko vijeće.

Gradonačelnice je **prihvatila** podneseni amandman.

AMANDMAN VI

U članu 11. stav (1) prijedloga Odluke, u tablici, u koloni „Koeficijent“, predloženi broj uz platni razred VI se briše i zamjenjuje brojem: „**6,20**“.

Obrazloženje:

Za direktora jedine upravne ustanove u okviru jedinstvenog organa uprave Grada Sarajeva predlaže se koeficijent bitno niži iako se radi o upravnoj ustanovi čiji je djelokrug izravno vezan za funkciju glavnog grada Bosne i Hercegovine, a ne za funkciju lokalne samouprave.

Obzirom da je **Predsjedavajući Gradskog vijeća Jasmin Ademović**, u uvodim napomenama, konstatovao da je Administrativna komisije, na sjednici održanoj pred početak sjednice Gradskog vijeća, povukla amandman VI, **Gradonačelnica se o istom nije izjašnjavala**.

AMANDMAN VII

U članu 12. stav (2) predložene Odluke se mijenja i glasi:

„Pravo na platu nosioci funkcija ostvaruju danom stupanja na dužnost, odnosno danom stupanja na snagu odluke Gradskog vijeća o radno-pravnom statusu nosioca funkcija u Gradskom vijeću.“

Obrazloženje:

O radno-pravnom statusu Predsjedavajućeg, odnosno zamjenika Predsjedavajućeg Gradskog vijeća, odluku donosi Gradsko vijeće na prijedlog Administrativne komisije.

Gradonačelnice je **prihvatila** podneseni amandman.

AMANDMAN VIII

Član 19. predložene Odluke mijenja se i glasi:

„Nalog za službeno putovanje može izdati:

- za gradonačelnika, gradonačelnik, ukoliko se putovanje realizuje u skladu sa Programom međunarodne saradnje Grada Sarajeva, odnosno Administrativna komisija Gradskog vijeća ako se putovanje realizuje na osnovu inicijative koja nije sadržana u Programu međunarodne saradnje Grada Sarajeva za tekuću godinu, ali su ciljevi putovanja usklađeni sa Strategijom razvoja Grada Sarajeva, o čemu predlagač daje mišljenje;
- za predsjedavajućeg Gradskog vijeća, gradonačelnik, na prijedlog predsjedavajućeg Gradskog vijeća, ukoliko se putovanje realizuje u skladu sa Programom međunarodne saradnje Grada Sarajeva, odnosno Administrativna komisija Gradskog vijeća, ako se putovanje realizuje na osnovu inicijative koja nije sadržana u Programu međunarodne saradnje Grada Sarajeva za tekuću godinu, ali su ciljevi putovanja usklađeni sa Strategijom razvoja Grada Sarajeva, o čemu predlagač daje mišljenje.
- za zamjenike gradonačelnika, gradonačelnik;
- za zamjenike predsjedavajućeg, gradonačelnik na prijedlog predsjedavajućeg Gradskog vijeća;

- za gradske vijećnike, gradonačelnik, na prijedlog Komisije za međunarodnu saradnju uz saglasnost predsjedavajućeg Gradskog vijeća;
- za pravobranioca Grada Sarajeva, Administrativna komisija Gradskog vijeća.“

Gradonačelnice je podneseni amandman **djelimično prihvatila** uz obrazloženje da su izmjene u prvoj alineji neprihvatljive zbog nemogućnosti, bez obzira na postavljene uslove, da gradonačelnik za svoje službeno putovanje izdaje putni nalog na svoje ime. U ostalom dijelu amandman se prihvata.

AMANDMAN IX

U članu 21. stav (1) prijedloga Odluke, tablica se briše, a uvrštava se tablica kako slijedi:

Platni razred	Radno mjesto	Koeficijent
I	rukovodilac stručne službe sekretar Gradskog vijeća sekretar organa uprave	6,50
II	- pomoćnik gradonačelnika	6,20
III	interni revizor glavni inspektor stručni savjetnik u Pravobranilaštvu Grada Sarajeva	5,20
IV	- šef odjeljenja	4,60
VI	- šef odsjeka	4,50
VII	- komunalni inspektor	4,30
VIII	- stručni savjetnik	4,10
IX	- viši stručni saradnik	3,90
X	- stručni saradnik	3,70

Obrazloženje:

U obrazloženju prijedloga Odluke je navedeno:

„Temeljem navedenog, prilikom sačinjavanja teksta Prijedloga ove odluke postupalo se u odnosu na postojeće kategorije državnih službenika i namještenika u organima državne službe u Gradu Sarajevu, obzirom da u Gradu Sarajevu postoje, odnosno ne postoje određene kategorije državnih službenika kao što je to slučaj u Federaciji BiH, a koje su obuhvaćene Zakonom o platama i naknadama u organima Federacije BiH („Službene novine Federacije BiH“, broj 45/10, 111/12 i 20/17). Na ovo nas upućuje i Odgovor broj: 03-04-04-41755-1/22 od 28.11.2022. godine, koji je Gradu Sarajevu, gradonačelnici Grada Sarajeva, dostavilo Ministarstvo pravde i uprave Kantona Sarajevo, u kojem je, između ostalog, navedeno i sljedeće: „Utvrdjivanje platnih razreda i koeficijenata zaposlenih u organima vlasti kantona, općina i gradova uveliko ovisi od same organizacije organa državne službe, što je svakako jedan od razloga donošenja zakona o platama i naknadama na nivou kantona, odnosno odluke o platama i naknadama općina i gradova“.

Radna mjesta u organima uprave i službama Grada Sarajeva su uređena na osnovu Zakona o državnoj službi Kantona Sarajevo gdje je hijerarhija postavljena, kao u predloženom amandmanu.

Gradonačelnica **nije prihvatila** podneseni amandman uz obrazloženje sljedećeg sadržaja:

Naime, istina je da je Ministarstvo pravde i uprave Kantona Sarajevo svojim Odgovorom preporučilo da se prilikom utvrđivanja platnih razreda i koeficijenata zaposlenih rukovodi

samom organizacijom organa državne službe i njenim specifičnostima, a što je i navedeno u obrazloženju predloženog akta.

Međutim, činjenica je i to da se prilikom sačinjavanja ovog propisa trebaju poštivati načela za utvrđivanje plata shodno članu 3. Zakona, kao i njegovog člana 60. stav (3) u kojem je propisano da će kanton, grad i općine prilikom utvrđivanja koeficijenata propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama član 20. i člana 21. Zakona.

Bez obzira što je članom 10. Zakona o državnoj službi Kantona Sarajevo propisano na koja radna mjesta se može postaviti državni službenik (radna mjesta od a) do i), kao i činjenicu da je radno mjesto rukovodioca stručne i druge službe koje obrazuje Vlada, gradonačelnik ili načelnik svrstano u tačku a. po prethodno navedenom se ne može formalno-pravno postupiti pozivom na ovaj Zakon.

Prethodno iz razloga što je pravni osnov za donošenje Odluke o platama i naknadama u organima Grada Sarajeva, Zakon o platama i naknadama u organima vlasti Federacije Bosne i Hercegovine, kao materijalni propis, pa cijeneći odredbe ovog Zakona, a naročito njegov stav (20), evidentno je da se uz svo uvažavanje specifičnosti u organizaciji organa Grada Sarajeva o kojoj se vodilo računa prilikom sačinjavanja Prijedloga Odluke u I platnom razredu ne nalazi pozicija rukovodioca stručne službe, a što apsolutno isključuje shodnu primjenu, niti se shodnom primjenom u pogledu radnih mjesta II platnog razreda Zakona za pomoćnike gradonačelnika može utvrditi koeficijent 6,20.

Posebno se napominje, da se prilikom sačinjavanja teksta Prijedloga Odluke vodilo računa o činjenici da je Grad Sarajevo kao jedinica lokalne samouprave poseban organ državne službe sa organizacijom organa državne službe prilagođenoj položaju, nadležnostima i potrebama Grada Sarajeva, a što je svakako i jedan od razloga donošenja ove Odluke, na što je i upućeno i odredbom člana 60. Zakona na osnovu kojeg je akt sačinjen, uz uvažavanje naprijed navedenih i obrazloženih razloga, pri tome koristeći se, kao primjerom dobre prakse, platnim razredima i koeficijentima utvrđenim u Zakonu o platama i naknadama u organima vlasti Kantona Sarajevo uz uvažavanje svih pomenutih specifičnosti.

Predsjedavajući Gradskog vijeća Jasmin Ademović je konstatovao da su amandmani Administrativne komisije sa kojima se Gradonačelnica, kao podnosilac prijedloga akta, saglasila u cjelosti ili djelimično, kao i podneseni amandman Gradonačelnice postali sastavni dio Prijedloga Odluke o platama i naknadama u organima Grada Sarajeva, obzirom da gradski vijećnici nisu zatražili da se Gradsko vijeće posebno izjasni o amandmanima.

Predsjedavajući Kluba gradskih vijećnika Narod i Pravda Toni Vukadin je, u ime Kluba gradskih vijećnika Naroda i pravde, zatražio pauzu radi konsultacija.

Predsjedavajući Gradskog vijeća Jasmin Ademović je najavio pauzu do 13.30 sati.

U nastavku sjednice, gradski vijećnik Toni Vukadin je obrazložio razloge pauze.

Zatim je **Predsjedavajući Gradskog vijeća Jasmin Ademović** najavio izjašnjenje o amandmanu IX Administrativne komisije sa kojim se Gradonačelnica nije saglasila.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, izjasnivši se sa 2 glasa „za“, pet glasova „protiv“ i 12 „suzdržanih“ glasova prisutnih gradskih vijećnika (tri gradska vijećnika se nisu izjasnila), **nije usvojilo amandman IX Administrativne komisije.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 17 glasova „za“, bez glasova „protiv“ i četiri „suzdržana“ glasova prisutnih gradskih vijećnika **usvojilo je Odluka o platama i naknadama u organima Grada Sarajeva, kako je predložena i izmijenjena u skladu sa podnesenim i prihvaćenim amandmanima.**

Ad 14)

Izveštaj o primjeni Odluke o upotrebi grba, imena i isticanju zastave Grada Sarajeva

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Izveštaja je Gradonačelnica.

Izveštaj su razmatrali Odbor za lokalni biznis i turizam i Komisija za Statut i akte.

Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je Izveštaj o primjeni Odluke o upotrebi grba, imena i isticanju zastave Grada Sarajeva, kako je podnesen.**

Ad 15)

Izveštaj o stanju u državnoj službi u Gradu Sarajevu

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Predlagač Izveštaja je Gradonačelnica.

Izveštaj je razmatrala Komisija za Statut i akte.

Mišljenje radnog tijela je dostupno gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Izveštaj o stanju u državnoj službi u Gradu Sarajevu, kako je podnesen.**

Ad 16)

Nacrt Odluke o podizanju Spomen-ploče Ivici Osimu

Predsjedavajući Gradskog vijeća Jasmin Ademović je dao uvodne napomene sljedećeg sadržaja.

Nacrt Odluke je utvrdila Komisija za spomenike.

Nacrt Odluke je razmatrala Komisija za Statut i akte.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

U raspravi koja je uslijedila učestvovali su **gradski vijećnik Srđan Simonović i gradski vijećnik Adi Škaljić.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Zaključak** kojim se Nacrt Odluke o podizanju Spomen-ploče Ivici Osimu upućuje u javnu raspravu, a koji glasi:

1. Gradsko vijeće Grada Sarajeva razmatralo je Nacrt Odluke o podizanju Spomen-ploče Ivici Osimu zajedno sa idejnim rješenjem koji je u prilogu ovog akta i upućuje ga u javnu raspravu u trajanju od 7 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika i drugi subjekti koji iskazuju interes.
3. Ovaj Zaključak, čiji je sastavni dio utvrđeni Nacrt Odluke o podizanju Spomen-ploče Ivici Osimu, tokom trajanja javne rasprave bit će javno dostupan na službenoj internetskoj stranici Grada Sarajeva putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o podizanju Spomen-ploče Ivici Osimu“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke o podizanju Spomen-ploče Ivici Osimu, tretirat će se kao prilog javnoj raspravi.
5. Za organizaciju i vođenje javne rasprave određuje se gradonačelnica putem Službe za urbano planiranje, investicije, stambene i komunalne poslove i Komisija za spomenike Gradskog vijeća Grada Sarajeva.

Ad 17)

Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Nacrt Odluke je utvrdila Komisija za spomenike.

Nacrt Odluke je razmatrala Komisija za Statut i akte.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je Zaključak** kojim se Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću upućuje u javnu raspravu, a koji glasi:

1. Gradsko vijeće Grada Sarajeva razmatralo je tekst Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću zajedno sa idejnim rješenjem koji je u prilogu ovog akta i upućuje ga u javnu raspravu u trajanju od 10 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika, Općina Centar Sarajevo, Zavod za kulturno-historijsko i prirodno naslijeđe, Zavod za planiranje KS i drugi subjekti koji iskazuju interes.
3. Ovaj Zaključak, čiji je sastavni dio utvrđeni Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću, tokom trajanja javne rasprave bit će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o izmjeni Odluke o podizanju spomenika bosanskom kralju Tvrtku I Kotromaniću“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću, tretirat će se kao prilog javnoj raspravi.
5. Za organizaciju i vođenje javne rasprave određuje se gradonačelnica putem Službe za

urbano planiranje, investicije, stambene i komunalne poslove i Komisija za spomenike Gradskog vijeća Grada Sarajeva.

Ad 18)

Informacija o privrednoj saradnji Grada Sarajeva sa pobratimskim i partnerskim gradovima

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrala Komisija za međunarodnu saradnju.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o privrednoj saradnji Grada Sarajeva sa pobratimskim i partnerskim gradovima.**

Ad 19)

Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrao Odbor za društvene djelatnosti.

Mišljenje radnog tijela je dostupno gradskim vijećnicima.

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o aktivnostima Informativnog centra o Međunarodnom krivičnom sudu za bivšu Jugoslaviju Sarajevo.**

Ad 20)

Informacija o implementiranim projektima finansiranim iz međunarodnih i lokalnih fondova u 2022. godini

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrao Odbor za budžet i finansije.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

U raspravi koja je uslijedila učestovali su **gradska vijećnica Biljana Lazarević i predsjedavajući Gradskog vijeća Jasmin Ademović.**

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o implementiranim projektima finansiranim iz međunarodnih i lokalnih fondova u 2022. godini.**

Ad 21)

Informacija o implementaciji Plana djelovanja za mlade

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrala Komisija za pitanja mladih.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o implementaciji Plana djelovanja za mlade.**

Ad 22)

Informacija o rezultatima ostvarenim u tekućoj turističkoj sezoni do kraja 8. mjeseca 2022. godine

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrao Odbor za lokalni biznis i turizam.

Mišljenje radnog tijela je dostupno gradskim vijećnicima.

U raspravi koja je uslijedila učestvovao je **gradski vijećnik Alen Girt**, a dodatna pojašnjenja i odgovor na pitanje dala je **gradonačelnica Grada Sarajeva Benjamina Karić.**

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o rezultatima ostvarenim u tekućoj turističkoj sezoni do kraja 8. mjeseca 2022. godine.**

Ad 23)

Informacija o potpisivanju Sporazuma o uspostavljanju prijateljskih odnosa između gradova - Kijev, Ukrajina, i Sarajevo, Bosna i Hercegovina

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrala Komisija za međunarodnu saradnju.

Mišljenje radnog tijela je dostupno gradskim vijećnicima.

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informaciju o potpisivanju Sporazuma o uspostavljanju prijateljskih odnosa između gradova - Kijev, Ukrajina, i Sarajevo, Bosna i Hercegovina.**

Ad 24)

Informacija o prazničnom ukrašavanju u organizaciji Grada Sarajeva

Predsjedavajući Gradskog vijeća Jasmin Ademović je dao uvodne napomene sljedećeg sadržaja:

Predlagač Informacije je Gradonačelnica.

Informaciju je razmatrao Odbor za javne službe, infrastrukturu i javni saobraćaj.

Mišljenje radnog tijela je dostupno gradskim vijećnicima.

Uvodno izlaganje podnijela je **gradonačelnica Grada Sarajeva Benjamina Karić.**

U raspravi koja je uslijedila učestovala su **zamjenica predsjedavajućeg Gradskog vijeća Mirela Džehverović i predsjedavajući Gradskog vijeća Jasmin Ademović**, a dodatna pojašnjenja i odgovor na pitanje dala je **gradonačelnica Grada Sarajeva Benjamina Karić.**

Zatim je **predsjedavajući Gradskog vijeća Jasmin Ademović** dao riječ **Elviru Hadžiahmetoviću**, pomoćniku Gradonačelnice za lokalno poslovanje koji je dao servisne informacije vezane za javni doček Nove godine.

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva, primilo k znanju Informacija o prazničnom ukrašavanju u organizaciji Grada Sarajeva.**

Ad 25)

Vijećnička pitanja i inicijative

Predsjedavajući Gradskog vijeća Grada Sarajeva Jasmin Ademović je dao uvodne napomene sljedećeg sadržaja:

Uz poziv za 22. sjednicu Gradskog vijeća, gradskim vijećnicima su dostupni odgovori na određena vijećnička pitanja odnosno informacije vezane za realizaciju inicijativa gradskih vijećnika i radnih tijela, kao i inicijative i vijećnička pitanja gradskih vijećnika i radnih tijela, koje su zaprimljene do održavanja sjednice, i to:

- Inicijativa gradskih vijećnica Mirele Džehverović, Danijele Šahat, Lajle Ćosović, Enise Spahić, Alme Šaćirović Čengić, Amre Zulfikarpašić i Biljane Lazarević
- Inicijativa gradske vijećnice Lajle Ćosović
- Inicijativa Komisije za spomenike
- Tri inicijative Odbora za javne službe, infrastrukturu i javni saobraćaj

Predsjedavajući Gradskog vijeća Grada Sarajeva Jasmin Ademović je napomenuo da će inicijative za koje nije traženo izjašnjenje Gradskog vijeća kao i vijećnička pitanja biti prosljeđeni na dalje nadležno postupanje.

Zatim je Predsjedavajući Gradskog vijeća Jasmin Ademović najavio izjašnjavanje o inicijativama za koje su podnosioci zatražili da ih Gradsko vijeće podrži.

1. **Gradske vijećnice Mirela Džehverović, Danijela Šahat, Lajla Ćosović, Enisa Spahić, Alma Šaćirović Čengić, Amra Zulfikarpašić i Biljana Lazarević** uputile su **inicijativu** kojom predlažu da Gradsko vijeće donese sljedeći zaključak:
„Osuđuje se kršenje ljudskih prava, a naročito prava žena u Islamskoj Republici Iran.“

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 18 glasova „za“, bez glasova „protiv“ i bez

„suzdržanih“ glasova prisutnih gradskih vijećnika (tri gradska vijećnika se nisu izjasnila), **usvojilo je Zaključak u tekstu kako je i predložen.**

2. **Gradska vijećnica Lajla Ćosović** uputila je **inicijativu** sljedećeg sadržaja:

„Potrebno je dopuniti Kalendar obilježavanja datuma i događaja značajnih za Grad Sarajevo tako da se u Poglavlju I, iza tačke 10b. doda nova tačka 10c. koja glasi: „Obilježavanje Dana maloljetnog borca“; Dan obilježavanja: 05. novembar; Nosilac obilježavanja: Udruženje maloljetnih boraca Općine Centar; Način obilježavanja: Prema programu nosioca obilježavanja.“

U raspravi koja je uslijedila učestvovao je **gradski vijećnik Adi Škaljić**, a dodatna pojašnjenja i odgovor na postavljeno pitanje dao je **predsjedavajući Gradskog vijeća Jasmin Ademović**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 18 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila), **podržalo je podnesenu inicijativu, te je ona postala inicijativom Gradskog vijeća.**

3. **Komisija za spomenike** uputila je **inicijativu** sljedećeg sadržaja:

„Komisija za spomenike Gradskog vijeća upućuje inicijativu gradonačelnici Grada Sarajeva da u skladu sa svojim nadležnostima razmotri mogućnost podizanja spomenika Ivici Osimu, a koji će u smislu lokacije i idejnog rješenja u najvećoj mjeri valorizirati njegov značaj za grad Sarajevo i Bosnu i Hercegovinu.“

U raspravi koja je uslijedila učestvovao je **predsjedavajući Gradskog vijeća Jasmin Ademović**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 17 glasova „za“, bez glasova „protiv“ i bez „suzdržanih“ glasova prisutnih gradskih vijećnika (tri gradska vijećnika se nisu izjasnila), **podržalo je podnesenu inicijativu, te je ona postala inicijativom Gradskog vijeća.**

4. **Odbor za javne službe, infrastrukturu i javni saobraćaj** uputio je **inicijativu** sljedećeg sadržaja:

„Odbor za javne službe, infrastrukturu i javni saobraćaj upućuje inicijativu da Grad Sarajevo razmotri mogućnost da se na određeni način uključi u problematiku javnog prijevoza na području grada Sarajeva, s posebnim osvrtom na uređivanje i prezentaciju voznih redova, bezbjednosti putnika u javnom prevozu, te rada inspeksijskih organa po ovom pitanju, a da u cilju rješavanja ove inicijative organizira sastanak sa odgovornim licima u ovoj oblasti u Kantonu Sarajevo, na koji će pozvati i članove Odbora za javne službe, infrastrukturu i javni saobraćaj.“

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 17 glasova „za“, bez glasova „protiv“ i jednim „suzdržanim“ glasom prisutnih gradskih vijećnika (dva gradska vijećnika se nisu izjasnila), **podržalo je podnesenu inicijativu, te je ona postala inicijativom Gradskog vijeća.**

5. **Odbor za javne službe, infrastrukturu i javni saobraćaj** uputio je **inicijativu** sljedećeg sadržaja:

„Odbor za javne službe, infrastrukturu i javni saobraćaj upućuje inicijativu Gradonačelnici da se obrati nadležnim kantonalnim javnim preduzećima da poboljšaju javnu čistoću grada Sarajeva, a naročito u vrijeme turističke sezone i organiziranja javnih događaja od značaja za grad Sarajevo.“

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 18 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila), **podržalo je podnesenu inicijativu, te je ona postala inicijativom Gradskog vijeća.**

6. **Odbor za javne službe, infrastrukturu i javni saobraćaj** uputio je **inicijativu** sljedećeg sadržaja:
- „Odbor za javne službe, infrastrukturu i javni saobraćaj upućuje inicijativu Gradonačelnici da u koordinaciji sa Kantonom Sarajevo i općinama u sastavu Grada, osmisle i uspostave modalitete da Grad Sarajevo ili njegovo javno preduzeće, bez zakonskih ograničenja i sličnih administrativnih prepreka preuzme organizaciju svečanih praznika i događaja od značaja za grad Sarajevo“.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 17 glasova „za“, bez glasova „protiv“ i jednim „suzdržanim“ glasom prisutnih gradskih vijećnika (dva gradska vijećnika se nisu izjasnila), **podržalo je podnesenu inicijativu, te je ona postala inicijativom Gradskog vijeća.**

Zatim je Predsjedavajući Gradskog vijeća Jasmin Ademović pozvao gradske vijećnike da usmeno upute vijećnička pitanja i inicijative.

7. **Gradska vijećnica Toni Vukadin** uputio je **inicijativu** sljedećeg sadržaja:
- „Podnosim inicijativu da se, na januarskoj sjednici, Gradsko vijeće Grada Sarajeva izjasni o tome da se u 2023. godini, Milan Mladenović proglasi posthumno počasnim građaninom Grada Sarajeva.“
8. **Gradski vijećnik Toni Vukadin** uputio je **inicijativu** sljedećeg sadržaja:
- Potrebno je da Grad Sarajevo razmotri mogućnost sufinansiranja ili finansiranja asfaltiranja puta do mjesta gdje se okupljaju učesnici Marša mira u Srebrenici i gdje se održava historijski čas.
9. **Gradski vijećnik Adi Škaljić** uputio je **inicijativu** sljedećeg sadržaja:
- „Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative upućujem vijećničku inicijativu za preraspodjelu novca planiranog za vatromet povodom svih narednih proslava Nove godine, tako da se isti usmjeri udruženjima koja se bave zaštitom životinja.
- Obrazloženje:*
- Naša zajednica iz godine u godinu, zarad kratkotrajnog zadovoljstva pojedinih ljudi, nijemo posmatra patnju domaćih i divljih životinja. Neovisno da li je to zbog novogodišnjeg slavlja, lokalne proslave ili kada se slave pobjede sportista i sportskih kolektiva, vatrometi i petarde su, sasvim neopravdano, postali neizostavni.
- Za divlje životinje ovo je štetno na tri načina: one se boje glasnih zvukova, reaguju na bljeskove svijetla, a posebno veliki stres izaziva im nepredvidivost kad i odakle će buka i bljesak doći. Zbog toga vatromet izaziva zbunjenost, tjeskobu, strah, stres i paniku kod životinja. Prestrašene životinje u bijegu mogu istrčati na saobraćajnice te sudjelovati u nesrećama. Eksplozije vatrometa mogu biti glasne i 190 decibela. Za usporedbu, kod ljudi je moguće oštećenje sluha uz svega 75 decibela. Dodatno, iznenadni bljeskovi svijetla u noći kada se puca uznemirit će mnoge životinje, posebno ptice koje noću slabije vide.
- Također, dim iz vatrometa sadrži mješavinu spojeva sumpora i ugljika, tragove teških metala i drugih otrovnih hemikalija ili plinova, kao što su ozon, sumporni dioksid i dušikov oksid. Boju vatrometu daju različiti metali. Ti otrovi ostaju nakon izgaranja vatrometa te onečišćuju zrak i vodu.

Smatram da Grad Sarajevo treba slijediti pozitivne primjere iz regije gdje su lokalne samouprave Cres, Čazma, Labin, Mali Lošinj, Opatija, Osijek, Poreč, Pula, Rovinj, Rijeka, Samobor, Varaždin, Zabok odlučili najluđu noć slaviti uz tiše i ekološki bolje opcije poput svjetlosnih instalacija i laserskih show-ova.“

10. **Gradski vijećnik Adi Škaljić** uputio je **inicijativu** sljedećeg sadržaja:

„Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative Ministarstvu unutrašnjih poslova KS upućujem vijećničku inicijativu za intenziviranje kontrole nelegalnog i nenajavljenog korištenja pirotehničkih sredstava.

Obrazloženje:

Neshvatljivo je da grad na koji su u prvoj polovini devedesetih ispaljene stotine hiljada eksplozivnih naprava, praznike dočekuje i ispraća konstantnim eksplozijama. U periodu novogodišnjih praznika znatno se povećava broj ozljeda zbog nestručnog rukovanja pirotehničkim sredstvima. Ona izazivaju strah, stres, a u najtežim slučajevima i traumu kod mnogo ljudi. Također, pate divlje i domaće životinje.

Molim nadležne iz gore pomenutog ministarstva da u periodu prije, u toku dočeka Nove godine i nakon istog intenzivno patroliraju ulicama Sarajeva i, u skladu sa Zakonom o prekršajima protiv javnog reda i mira (član 8.) kažnjavaju naše neodgovorne sugrađane.“

11. **Gradska vijećnica Alma Čengić** uputila je **inicijativu** sljedećeg sadržaja:

“Zadužuje se gradonačelnica Grada Sarajeva da, u ime Grada Sarajeva, podnese krivičnu prijavu Tužilaštvu Bosne i Hercegovine, a u vezi sa kršenjem člana 145a. Kaznenog zakona Bosne i Hercegovine od strane udruženja iz Općine Istočno Novo Sarajevo, kao i organa vlasti Općine Istočno Novo Sarajevo, entiteta Republika Srpska, a u pogledu isticanja spomen ploče Ratku Mladiću na ulaz u općinu Novo Sarajevo.”

Gradska vijećnica Alma Čengić je zatražila da se Gradsko vijeće, na 23. sjednici, izjasni o podnesenoj inicijativi.

12. **Gradska vijećnica Alma Čengić** uputila je **inicijativu** sljedećeg sadržaja:

„Zadužuje se gradonačelnica Grada Sarajeva da, u ime Grada Sarajeva, obavijesti Ured visokog predstavnika o podnesku iz inicijative evidentirane pod brojem: 01-GV-02-2045-4/22, kao vid urgencije zahtjeva još od 27.10.2022. godine.“

Gradska vijećnica Alma Čengić je zatražila da se Gradsko vijeće, na 23. sjednici, izjasni o podnesenoj inicijativi.

13. **Gradska vijećnica Alma Čengić** uputila je **inicijativu** sljedećeg sadržaja:

„Zadužuje se gradonačelnica Grada Sarajeva da, u ime Grada Sarajeva, uputi zahtjev Uredu visokog predstavnika da zaustavi održavanje proslave 09. januara u Istočnom Sarajevu koje je u suprotnosti sa presudom broj U 10/16 i U 2/18 Ustavnog suda Bosne i Hercegovine.”

Gradska vijećnica Alma Čengić je zatražila da se Gradsko vijeće, na 23. sjednici, izjasni o podnesenoj inicijativi.

U raspravi koja je uslijedila učestvovao je **gradski vijećnik Toni Vukadin**, a dodatna pojašnjenja dao je **predsjedavajući Gradskog vijeća Jasmin Ademović**.

14. **Gradski vijećnik Srđan Simonović** postavio je **vijećnička pitanja** sljedećeg sadržaja:

“Koliko je uplaćeno sredstava za FK Sarajevo i FK Željezničar u periodu od 2020. -2022. godine?”

Kada se planira objaviti konkurs za dodjelu stipendija?
Zašto Bijela tabija na Vratniku nije otvorena za posjetu?"

15. **Gradski vijećnik Srđan Simonović** uputio je **inicijativu** sljedećeg sadržaja:
„Da stručne službe pošalju dopis Turističkoj zajednici Kantona Sarajevo da u svoju turističku ponudu obavezno stave i Bijelu tabiju.
Obrazloženje:
Bijela tabija je jedna od najatraktivnijih destinacija u Starom Gradu te sam mišljenja kako bi se turistička ponuda upotpunila i bila kvalitetnija za naše posjetioce.“

16. **Zamjenica predsjedavajućeg Gradskog vijeća Grada Sarajeva Mirela Džehverović** uputila je i obrazložila **inicijativu** u izlaganju sljedećeg sadržaja:
Potrebno je da Grad Sarajevo izdvoji finansijska sredstva za podršku regionalnog projekta pod nazivom “Zbendaj 2.0” koji organizuju učenici Druge gimnazije Sarajevo, a u kojem učestvuju i učenici iz Banja Luke, Koprivnice, Užica i Tuzle.

Predsjedavajući Gradskog vijeća Jasmin Ademović je zaključio rad 22. sjednice Gradskog vijeća Grada Sarajeva.

Upoznao je gradske vijećnike da će o terminu održavanja 23. sjednice Gradskog vijeća biti blagovremeno obaviješteni.

Na kraju sjednice, **Predsjedavajući Gradskog vijeća Jasmin Ademović** je čestitao blagdane i poželio sretnu Novu 2023. godinu.

Sjednica Gradskog vijeća Grada Sarajeva završena je u 14.48 sati.

Sastavni dio ovog zapisnika je izvornik i tonski snimak o radu sjednice Gradskog vijeća Grada Sarajeva koji se čuvaju u Stručnoj službi za poslove Gradskog vijeća Grada Sarajeva.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.